


KERATAN BERTARIKH: 22 OKTOBER 2020

HARI : KHAMIS

RUANGAN: COVID 19

HALAMAN: 10

covid-19



## Bersama Hentikan Wabak Covid-19

Oleh Mahaizura  
Abd Malik  
mahaizura@  
hmetro.com.my

Kuala Lumpur

Bukan mudah memastikan golongan kanak-kanak membuat kawalan kendiri di saat negara dilanda Covid-19 ketika ini.

Namun, cabaran itu disahut sebaik mungkin oleh guru dan pembantu Taman Asuhan Kanak-Kanak (Taska) dan Taman Bimbingan Kanak-Kanak (Tabika) yang bertanggungjawab melatih dan memastikan anak asuhannya mereka daripada sebarang risiko jangkitan.

Ketua Pengarah Jabatan Kemajuan Masyarakat (Kemas), Datuk Mohamad Yasid Bidin berkata, beroperasi dalam norma baharu tidak dapat dielakkan, malah pelaksanaan prosedur operasi standard (SOP) akan terus dilakukan bagi memastikan setiap kanak-kanak di Tabika dan Taska Kemas tidak terdedah kepada bahaya Covid-19.

Menurutnya, sehingga kini pihaknya menutup 1,891 tabika dan 69 taska kebanyakannya di Kedah, Sabah dan Selangor sebagai langkah keselamatan susulan peningkatan kes Covid-19 selain memenuhi

permintaan ibu bapa yang enggan menghantar anak mereka kerana bimbang dijangkiti wabak itu.

"Menjadi tanggungjawab kami untuk memastikan anak-anak di bawah jagaan kami selamat, sebab itu kami memaklumkan lebih awal kepada ibu bapa supaya tidak menghantar anak mengalami sebarang gejala dan sekiranya mendapati kanak-kanak itu tidak sihat, kami tidak benarkan mereka masuk ke kawasan Tabika atau Taska.

"Guru dan pembantu juga sentiasa menjadi pemantau supaya kanak-kanak ini mengamalkan kawalan kendiri masing-masing termasuk tidak duduk rapat antara satu sama lain, malah anak kecil ini dilatih mengamalkan langkah-langkah kebersihan dalam bentuk interaktif dan lagu," katanya ketika dihubungi, baru-baru ini.

Beliau berkata, Kemas juga mengamalkan sistem penggiliran bagi mengehadkan kehadiran kanak-kanak disebabkan kekangan ruang.

"Separuh kanak-kanak dalam satu kelas akan dicutukkan ketika sebahagian lagi rakan mereka hadir ke

**“Menjadi tanggungjawab kami memastikan anak-anak di bawah jagaan kami selamat”**  
Mohamad Yasid

# Kawalan kendiri di Tabika, Taska

*Latih amal langkah kebersihan dalam bentuk interaktif dan lagu*

sekolah dan ia akan bertukar sebaliknya pada keesokannya.

"Sistem penggiliran ini terpaksa dilakukan kerana kami tidak mempunyai ruang mencukupi untuk menempatkan keseluruhan bilangan kanak-kanak selepas mengambil kira penjarakan fizikal," katanya.

Sementara itu, pengusaha Taska swasta, Mummy Child Care Centre, Sentul di sini, Noorashikin Emilina Mohd Nor berkata, selain mematuhi SOP ditetapkan kerajaan, pihaknya mengambil inisiatif melaksanakan SOP sendiri untuk meningkatkan lagi tahap keselamatan kanak-kanak asuhannya mereka.

"Jika sebelum ini, kami menerima kanak-kanak dalam keadaan belum mandi, tetapi ketika musim Covid-19, kami tetapkan

anak-anak mesti dimandikan ibu bapa terlebih dahulu kerana kami tidak mahu menerima sebarang risiko jangkitan.

"Malah, ketika di rumah lagi ibu bapa perlu memeriksa suhu badan anak, pastikan mereka memakai pelitup muka dan cecair pembasmi kuman."

"Saringan suhu badan kali kedua akan dilakukan petugas kami sebaik kanak-kanak ini tiba di premis untuk memastikan

mereka sihat dan tiada gejala," katanya.

Menurutnya, kegiatan berkumpulan dan sesak digantikan dengan aktiviti sesuai yang kurang berisiko demi menjaga penjarakan fizikal.

"Aktiviti berkumpulan kami gantikan dengan aktiviti lain seperti bercerita dan sebagainya untuk memastikan anak-anak tidak bersentuhan antara satu sama lain dan kekal dalam petak penanda

masing-masing.

"Mereka akan dimandikan sebelum pulang ke rumah dengan setiap guru dan pembantu akan uruskan mereka seorang demi seorang selain tidak berkongsi cawan dan pinggan ketika makan."

"Mungkin amalan SOP ketika ini macam rumit sedikit, tetapi demi membendung jangkitan Covid-19, kami perlu patuhi dan tidak boleh leka," katanya.



KANAK-kanak Taska duduk dalam petak penanda masing-masing ketika melakukan aktiviti termasuk makan dan tidur.

**KEMPEN PEMBUDAYAAN NORMA BAHARU**

### SOP tabika dan taska

- 1 Kanak-kanak dimandikan ibu bapa, pakai pelitup muka dan cecair pembasmi kuman dari rumah.
- 2 Pemeriksaan suhu badan ketika tiba di premis tabika dan taska. Kanak-kanak bergejala tidak dibenarkan masuk.
- 3 Kanak-kanak mesti berada di petak penanda masing-masing sempena aktiviti untuk menjaga penjarakan fizikal.
- 4 Tidak dibenarkan berkongsi pinggan, manguk dan cawan.
- 5 Kanak-kanak dilatih mengamalkan langkah-langkah kebersihan diri seperti kerap membasuh tangan, pemakaian cecair pembasmi kuman dan pelitup muka.
- 6 Selimut, bantal, tilam dan tuala perlu diganti atau dibasuh dan dibawa sendiri setiap hari.
- 7 Kanak-kanak dimandikan dan ditukar pakaian bersih sebelum pulang ke rumah masing-masing.

Imbas kod QR untuk Buku Digital Pembudayaan Norma Baharu Dalam Komuniti

